

欽定剿平粵匪方略

欽定勦平粵匪方略卷二十三癸丑年

三年正月初二日丁未青州副都統常清奏言現

在賊陷武昌河南防勦喫緊臣遵

旨挑選駐防精兵前往聽調當卽挑選青州精兵八百名派委協領各員分爲三起管帶並檄德州城守尉揀選精兵二百名由城守尉派員管帶共成馬隊兵一千名前赴豫楚交界聽候調遣合

無仰懇

天恩俯准臣統帶前往奏入

上從之

初三日戊申江甯將軍祥厚兩江總督陸建瀛江

蘇巡撫楊文定江甯副都統霍隆武京口副都

統文藝奏言江南省城爲東南各省扼要之地

臣陸建瀛前函飭江藩司祁宿藻督飭道府州

縣邀集紳董勸令城鄉分段團練互相保衛該紳民等辦理尙屬認真至省城及鎮江揚州一帶八旗綠營水陸官兵亦經臣等嚴飭該管將備以一半水陸交巡一半留營操練臣陸建瀛復另調水陸官兵一千八百名廣艇船四隻八槳船二隻上海水勇一百名江甯水勇一百二十名又留狼山營三板等船十隻在省聽候調

遣專防江路上游之東西梁山蕪湖攔江磯各要隘派委員弁兵役梭織巡防遇有形跡可疑之人詳加盤詰分別拏辦復於腹裏之斷山凹東塢等處派兵嚴查以資策應奏入報

聞

祥厚霍隆武又奏言籌備戰守必先精製軍械江甯旗營額設礮礮八十門子母礮三十門撞

槍一百六十桿鳥槍一千二百桿其燭礮體質
笨重安設城頭及防守要隘足資得力惟江南
省城地方遼闊水陸紛歧必須轉運便捷之利
器方足以資策應而轉動靈便之軍械莫若擡
槍鳥槍子母礮最爲得力臣等督同八旗協領
再四籌商擬請趕緊添造擡槍六百桿子母礮
十門以資防守工價擬於旗兵馬價銀內暫行

旨允行

陸建瀛又奏言臣欽承

恩命賞給

欽差大臣關防諭令馳往上游堵勦賊匪遵卽酌調
兵勇派撥戰船分別進發途次疊接江西安徽
撫臣咨會探得賊於十二月初四日攻陷武昌

省城竄至黃州地界勢益狼狽該匪奔突靡常
屢次攻撲城池悉皆抄出官兵之前乘虛竄踞
復藉土匪隨處附益以致逆燄日張現欲設法
殲擒尤以厚兵力固民心防後路爲要著臣趕
卽督齊兵勇星速馳赴九江擇要駐紮與潯郡
防兵爲掎角之勢併力截勦覈計九江先後調
撥江蘇安徽福建三省及本鎮標官兵已有五

千餘名尙恐一時未能齊到現在賊蹤下趨應
將上游袁州吉安等府及西省防兵移緩就急
先行撤赴九江扼要守禦臣所調在後兵勇戰
船阻於風雪尙未前來業經飛催安慶民情惶
懼遷避頗多已由撫臣蔣文慶率屬彈壓示禁
臣惟有竭盡血誠在九江則與臣張芾合營在
湖北則與臣向榮合營會同攻勦仍隨時咨會

臣徐廣縉臣琦善聯絡聲勢互相策應奏入報
陸建瀛又奏言安徽東西梁山實爲江甯省城
門戶其蕪湖一關無險可扼應以上游荻港爲
關鍵惟梁山額兵五百餘名已經撫臣蔣文慶
陸續調出四百名蕪湖額兵二百餘名亦經蔣
文慶陸續調出一百六十名該二處空虛已甚

臣飛商江蘇撫臣楊文定及蔣文慶必須於東西梁山安兵一千名妥爲防守蔣文慶與藩司李本仁總以無兵爲詞臣思東西梁山如將原有額兵四百名調還尙可向楊文定設法撥足一千名駐守至荻港需兵一千名僅足備防安徽別營未嘗不可酌撥而蔣文慶格於李本仁之議迄無定見且該撫藩先將眷屬搬移以致

民心驚惶紛紛遷徙現在時事孔棘撫蕩大吏
未便苛繩而地方關繫緊要不得不從長計畫
至湖北漢陽武昌先後失守查武昌爲江之上
游漢陽爲漢之下游今由江南江西潮流而上
非東北風不能前進其勢逆而難若有兵由襄
陽順流而下直抵漢口先圖克復則彼必顧漢
陽不能剋期東下而江南之兵徑赴武昌使彼

兩面受敵應接不暇庶幾可以取勝如計不出此恐彼毫無牽制非但琦善之兵難以直趨漢陽卽徐廣縉亦無從速赴武昌彼將垂涎三江水陸並進更屬不堪設想奏入

上命軍機大臣傳諭陸建瀛楊文定蔣文慶曰安徽東西梁山及荻港均須撥兵防守陸建瀛統轄三省所議自係通籌全局著楊文定蔣文慶迅卽酌撥安設

其上游小孤山一帶著仍遵前旨不可撤防庶安徽
門戶亦資筦鑰至撫藩大員乃一省民望方將勸諭
紳民持以鎮靜豈可先將眷屬移徙以惑人心且當
此防堵緊要之時若再不和衷共濟竭力籌維以固
結人心爲本必至良民逃避土匪橫行逆賊將乘虛
而入該督撫等均不能辭罪也懔之

上又命軍機大臣傳諭向榮曰荆襄一帶地居上游現

添調防守兵力尙單勢難分兵東下昨據向榮奏調取盧應翔所帶礮船及音德布韓世禧鄧紹良各帶官兵於常德岳州長沙一帶多雇船隻豫備火攻之具駛至金口將船及浮橋燒燬卽是上游出兵制賊東下之意已疊諭張亮基等如數趨發不准藉詞留緩著向榮迅速催調俟礮船一到卽飛咨琦善陸建瀛等各路進兵合力兜剿毋失事機至黃州武昌爲

省城東面門戶若任賊踞守江南兵何由前進當乘
該處賊數未多盤踞未久卽行遣兵截擊與下游聲
勢方可聯絡朕疊諭向榮派兵繞赴九江想已迅往
應援昨徐廣緝奏大營兵勇現在暫撤卓刀泉駐紮
等語武昌被賊踞守客主之勢互易必應相機進取
毋任賊匪得以從容布置分竄下游其湖北糧臺尙
無定設地方賊情狡猾萬一斷我餉道於大局尤爲

可慮該大臣遇事勇敢於一切機宜仍須隨時隨事
妥籌辦理不可稍涉大意

同日江西巡撫張芾奏言九江情形緊急連日
所謂各兵多已陸續來到臣隨卽添派下巢湖
及上游要隘駐紮聲威稍壯人心略安聞提督
向榮屢欲與賊打仗督臣陸建瀛到潯後齊備
兵船亦當剋期進剿匪衆烏合一經併力夾攻

勢必狼奔豕突省城與九江陸路相距三百里
水路僅一鄱湖之隔大兵接仗聲息相聞江西
人情不無震恐且慮匪黨乘隙潛竄而省中兵
勇以及職位多已調派來潯所存無多因思廣
東額兵與浙江職位本多請由臣飛咨署兩廣
督臣揀選精兵二千名閩浙督撫臣酌撥五百
斤西洋大礮二十尊各派幹員管帶解送星夜

兼程來江以憑分撥守護省城奏入

上命軍機大臣傳諭張芾曰省城距九江甚近自應豫籌防守以資應援所請咨調廣東省精兵二千名閩浙五百斤西洋大礮二十尊著卽由該撫飛咨葉名琛迅卽揀選精兵如數配足軍火器械派委得力將弁管帶星馳前赴南昌並著咨明怡良王懿德黃宗漢酌撥大礮派員迅速解送江西以資守護該撫現

駐九江省城重地著陳孚恩與該司道等安撫居民
密拏奸細毋稍大意

同日前署湖廣總督徐廣縉署湖廣總督張亮
基奏言蕭潮潰一犯係賊中著名兇悍首逆僞
號西王屢據擒賊供稱該逆遇戰當先匪黨均
聽其指麾屢次攻陷城垣實屬罪大惡極此次
在南城外執旗督陣時已被官兵轟斃臣等未

敢遽信賊竄後復拏獲賊黨羅五姜華帽余洗
政劉芒有李新三鄒德明等六犯逐一訊詰僉
供蕭潮潰實已中礮斃命屍首現埋老龍潭地
方問其面貌年歲衣服言之確鑿當委長沙府
知府倉景恬到老龍潭起出逆屍與該犯等所
供一一吻合適致祭陣亡將士卽將羅五等六
犯剗心致祭並將蕭潮潰屍首驗明梟剗以慰

忠魂奏八

上諭內閣曰逆賊洪秀泉等肆擾楚粵罪惡滔天所有
著名逆黨除蕭潮潰外如韋政石達開馮雲山等犯
非死卽逃現在竄擾湖北惟洪秀泉及楊秀青羅亞
旺等數犯沿途裏脅雖多皆係烏合之衆其自廣西
同謀逆黨實已所餘無幾著統兵大臣暨各督撫等
曉諭軍營將弁兵勇及地方文武並紳民人等合力

同心共殄醜類至脅從之徒本非甘心從逆如能擒殺賊匪自拔來歸者不但免其治罪並可立邀重賞

初四日

己酉

西安將軍舒倫保陝西巡撫張祥河

奏言探聞賊匪竄擾武昌一經大兵兜剿勢必

紛紛竄逸臣等咨令署陝西提督豐伸派兵一

千名赴商州署陝安鎮總兵恆興帶領漢中兵

一千名及本標兵五百名於卡隘分別防守現

派鳳邠道文海前往興安會辦防堵復移吞豐
伸剋日馳赴商州妥爲設防庶與楚省聲勢聯
絡惟是陝楚毗連路徑叢雜隨處可通陝甘兵
丁經楚豫徵調已及一萬此時本境附近各營
實屬不敷分派查得河南兩次續調陝甘兵五
千名除已起行外尙有在途未到省之兵一千
一百八十名請將此項兵丁截留在陝以便擇

要布置至臣舒倫保前備兵一千名現又挑選一千名勤加操練以備應用奏入報

聞

同日蔣文慶奏言皖省英靈兩邑緊接黃州之羅田太湖緊接黃州之蘄州至宿松陸路與黃梅毗連水路亦與蘄州相接距省至遠者不過三百餘里水路雖隔九江而自武漢揚帆東下

一二日卽抵省垣省城周圍九里高不及二丈
額兵本少前又調赴粵楚所存更屬無幾臣前
調江蘇山東浙江兵數千名距今兩月祇有浙
江一千名抵省其餘尙無到省確期日內疊據
英霍太湖宿松各縣稟稱該處密邇賊壘隘口
歧出急請派兵嚴守復據臬司張熙宇稟稱小
孤山爲水程八皖門戶現僅兵勇六百人儻逆

船蔽江東駛斷難抵禦亦請添兵防堵臣覈計
皖省兵丁統共不過三千多名欲分派則愈分
愈單欲全派則省城何藉且皖省爲東南數省
門戶稍有動搖則江浙皆無屏蔽當此情迫勢
危不敢不據實直陳現除嚴催各路後起官兵
星速來皖外竊思督臣所調大小三板暨八槳
船隻皆配足兵勇器械在皖省以下擋江磯東

西梁山等處安置與其俟賊竄至爲保衛下游
之資曷若挪移向前爲力爭上游之計臣已商
允督臣隨時挪調相機防禦俾水路足以堵截
卽所謂陸路官兵亦可酌量抽出分赴各隘實
於皖江門戶根本均有裨益奏入

上諭曰已有旨令陸建瀛與汝不分畛域熟籌防勦矣
安省有失江督亦難辭咎汝可慎速籌辦勿爲浮言

所惑尤貴和衷若省垣先自搖亂則合省不可問矣
汝設想此何時何事若不將意見闢打破一誤再誤
誤人實誤己也

初七日壬子陝甘總督舒興阿奏言陝西興安商

州所屬毗連楚省臣已札委鳳邠道文海署陝

安鎮總兵恆興等帶兵前往防守一面飛飭署

陝西固原提督豐伸挑備固原官兵二千名飭

令署宜君營參將薩炳阿先帶一千名馳往商
州之武關防堵又令漢中鎮再行挑備精兵五
百名甯夏延綏二鎮各挑備精兵五百名聽候
徵調復飭署靖遠協副將錫普常阿將原派固
原官兵一千名帶領馳赴武關協同薩炳阿駐
守並飛飭恆興體察關塞性子現駐官兵如尙不
敷布置卽將漢中鎮前備官兵五百名就近調

往協同防範其老河口一帶要隘亦已一體嚴
防一面飛咨撫臣張祥河於臣未到之先務須
督飭興安商州等處地方文武一體加意巡防
其潼關一路責成該處道府廳員嚴防密查毋
使奸匪闖入臣於布置妥協後卽挑帶官兵二
百餘員名於十二月二十八日自蘭州起程約
計正月初十日內即可馳抵陝省彼時續調駐

守武關之固原官兵計可到齊其駐守關墻子
之陝安漢中官兵先已抵彼臣與撫臣面商後
當卽馳往商州興安一帶相機察看如果兵力
尙單再行酌量情形飛速續調甯夏延綏官兵
馳往分撥駐守奏入

上諭曰迅速前往勿稍稽遲

舒興阿又奏言甘省幅員遼闊地方緊要計臣

出省後西路現有提督索文駐紮尙可放心惟
東路之固原甯夏鞏秦一帶若無大員鎮守竊
恐民情惶駭臣飭署參將薩炳阿副將錫普常
阿馳赴商州武關一帶駐守豐伸似可暫緩前
往俟臣抵陝後再爲察看辦理奏入報

聞

同日楊文定奏言臣遵

旨於十二月十五日馳抵江甯省城查江甯城垣周圍
九十餘里若論登陴固守自非七八萬人不可
江蘇全省水陸類兵雖有三萬餘名除調赴他
省防勦不計外他如外洋則防海盜徐州則防
捻匪以及鎮江爲入蘇門戶揚州爲北上要津
各營兵俱未便輕調是以督臣酌調四千八百
名以三千名帶赴九江上游迎勦以一千八百

名留爲省垣設防而沿江水陸紛歧又有防不勝防之勢臣又於僻靜營分添撥兵丁七百名扼要嚴防當經咨商督臣復與將軍臣祥厚副都統臣霍隆武並前任廣西巡撫臣鄒鳴鶴等通盤籌畫以江蘇上游惟安徽之蕪湖實係水陸總隘其上荻港板子磯等處又復有險可據卽令福山鎮總兵陳勝元統帶官兵一千六百

名蕪湖約有兵四百名合共二千名加以遊擊
周鼇水師船八隻一併前往會同道員惠徵妥
爲布置或於江面聯絡木筏或於磯上建築敵
臺官兵兩岸分列其蕪湖以下之東西梁山爲
江甯水路近隘各派員弁帶兵三百名設敵駐
守仍察看江勢聯絡木簰中間亦令師船遊巡
以爲策應荻港等處之用至東壩爲入蘇常捷

徑已經督臣派都司生麟帶兵駐守茲復添兵
並委文員一人前往會商防守江甯爲會垣重
地必須豫占形勝查城東北之鍾山毗連內城
又城南雨花臺離南門不遠均派員帶兵駐守
至龍江上下關爲盤詰奸細之所已由督臣分
撥鹽卡水勇一百二十名往來巡察惟該處江
面寬廣且爲東下舟行所必經復飭於上關江

面聯絡木簰在城內四營派兵一百名於岸上
分設營盤以資彈壓而陸路之浦口亦飭員弁
帶兵查察所有存城督標城守四營兵丁一千
八百名旗營兵三千名連前出防蕪湖梁山東
壩之兵均與將軍都統嚴飭帶兵官申明紀律
勤加操練所需火藥鉛彈等件飭令籌防局趕
緊豫備至團練鄉勇編查戶口早經臣通飭沿

江及省會各府縣妥爲舉行再前撫臣鄒鳴鶴
多所閱歷一切與之籌商計定輒行頗稱果決
尤爲臣與藩司祁宿藻所深賴奏入

上諭曰所奏各情形知道了鄒鳴鶴前在廣西身獲重
咎此時自當倍加感奮協力籌防果能事事盡心殊
恩無難立荷若仍有心取巧國法難再宥也

同日琦善陳金綬奏言臣等均於十二月二十

四日馳抵信陽連日哨探賊情並無確耗直隸
陝甘官兵均尙未到業經專弁沿途催趕令祇
帶本身軍械及鉛彈火藥步行前進俾免株守
車輛致滋稽延現在武慶勝保哲克東阿亦均
趕到同深焦灼正月初二日據許州知州稟報
山西大同鎮暨直隸提標各鎮營並陝西提屬
各官兵甫於十二月二十四日至二十九日陸

賴過境其漢中陝安甘肅督標之兵尙未行抵
該處臣惟有加緊嚴催官兵一到卽行前進徑
赴湖北迎截抄擊再在先之大名宣化兩鎮弁
兵已撥赴南陽防堵其山東山西之兵亦撥赴
信陽羅山各關隘紮營巡防在後之山西弁兵
一千三百餘名均撥赴光山商城駐紮民情均
甚安靜奏入

上命軍機大臣傳諭琦善陳金綬陸應穀曰山西直隸陝西各官兵甫經行過許州其漢中陝安甘肅督標兵丁尙未行抵該處卽著琦善等飛札嚴催一俟到有成數卽先儘陳金綬帶領迅速馳赴安徽察悉水陸地方何處緊急卽由何處迎剿如賊匪尙未竄出楚境卽由九江或安徽陸路直抵黃州與向榮派出鎮將前後夾擊軍情變幻不常陳金綬自能相機進

取先其所急琦善已將先到官兵分布南陽信陽羅
山光山商城諸處其在後續到之兵日內當亦不少
卽著親自統帶迅赴湖北確探賊蹤一路迎擊並與
向榮密爲期會一則專攻漢陽一則專勦武昌兩路
同時並舉俾賊匪彼此不能兼顧現在向榮已飛調
湖南上游船駛至金口若水路乘勢下攻焚賊浮
橋船隻兩江水師亦逆流而上迎頭截擊大江南北

兩岸陸路又有琦善向榮督兵合擊該匪水陸受創
前後被攻當可聚而殲旃前任吉林副都統富春現
在飭赴軍營著琦善派令帶隊勦賊其湖北西路尤
須防其乘虛竄擾著琦善向榮豫爲準備萬勿疏虞
琦善出豫境後南陽有陸應穀信陽有鄭敦謹駐紮
防守務各嚴飭在事文武實力防堵毋令奸匪一名
闖入其開封省會重地尤易藏奸卽責成沈兆灝張

集馨等專司鎮撫旣當固結人心尤須慎緝土匪
同日向榮奏言臣因省城被陷反躬自責寢饋
難安十二月二十一日臣派令總兵和春等攻
撲新南門派提臣蘇布通阿等攻撲雙峯山長
春觀小龜山田家園等處並諭副將瞿騰龍等
攻打長虹橋該逆於土城內開放槍礮抵死抗
拒時城頭之賊亦用連環大礮轟出藏子密如

驛兩廣東署守備薩國亮奮勇爭先搶上小龜
山賊曾拋擲火罐燒斃賊匪多名猝被賊礮中
腦陣亡我兵極力攻打計傷斃賊匪百數十人
受傷者極多復查長春觀以外及新南門沿城
一帶俱築有土城與城上之賊相應大敵極多
防備甚緊臣思該逆占踞武昌漢陽搭有浮橋
又有船隻來往此時殲茲醜類必須水陸夾攻

方可得手且該逆據取財物極多船內輜重滿載斷不肯舍水就陸是下游之九江上游之荊襄及岳州回竄之路在在均關緊要昨接署江西撫臣張芾知會以所調皖豫官兵及三板戰船尙未見到道士洑一帶兵力過少新任雲貴督臣羅繞典函稱甫於長沙挑選兵勇五百餘名帶往襄陽堵禦北路一帶雖謂有重兵俱未

趕到是北走信陽東下九江西上荊州南回岳
州之路俱屬空虛必得上下游官兵戰船趕到
先堵其逃竄之路然後水陸夾攻方可聚殲查
隔江之黃陂縣雙廟驛紮有陝西官兵一千七
百名臣已疊次知會該統兵官河州鎮總兵吉
順加意固守又查離洪山二三里之阜刀泉爲
東路要隘臣卽移營阜刀泉暫紮惟金日一帶

並無船隻川兵不能渡江因查上游離省六十
里金口爲武漢從西進剿要路大兵多於該處
採辦糧餉業經咨會提臣蘇布通阿等統帶川
兵全隊馳往該處扼紮並囑查看情形如須渡
江卽速覓船繞往北面相機堵剿至賊船較多
沙常德兵船會擊茲准徐廣縉函知此次官兵

仍留防守現調衡永撤回北省官兵督帶礮船
駛下攻勦臣昨已飛咨撫臣張亮基於長沙一
帶雇船三四百號多安大礮委員解至金口現
札飭張國樑挑選善駕船燃礮之捷勇二百名
星夜趕到以資下擊其下游武昌黃州之賊前
有下江南之說難保不仍行東竄武昌縣在黃
州上游現令總兵郭仁布統帶閩兵一千七百

餘名馳往防守現在賊踞武漢阻絕南北所有軍行文報難免繞越稽遲臣已飛咨徐廣縉並江西河南兩省按站多備驛馬或添設腰站以通文報連日查城內潰出官兵飭令各帶兵官速爲收集以資差遣至長沙遣散潮勇一千餘人到營投效聲稱情願殺賊亦飭速爲募齊聽候調遣現查竄擾黃州武昌之賊均已折回省

城逆首洪秀泉尙在漢陽楊秀青住武昌羅大剛石達開往來尙無定處其餘韋政胡洸曾三秀則未聞其人是否被官兵擊斃尙須查探湖北巡撫常大滄署提督雙福總兵王錦繡常祿藩司梁星源臬司瑞元鹽法道王東槐等於城陷時均各殉節其餘在城文武尙多俟查明再行奏報至大營官兵現分紮東路卓刀泉南路

長虹橋西路金口爲三路進攻之計又抽撥官兵赴武昌防守上下兼顧城內逃出百姓聲言逆匪有由水路逃竄之說陸建瀛奉

諭飭帶師船會剿久無到信徐廣縉張亮基屢覓船隻亦未見到深恐貽誤事機倍深焦灼奏入

上命軍機大臣傳諭向榮曰該大臣現駐卓刀泉並分兵爲三路進攻之計著卽飛催上游官兵船艦迅速

前來金口乘勢下擊陸建瀛計已洩流上至九江若兩路兵船會勦焚賊船隻輜重斷其浮橋南北兩岸琦善與向榮合兵進勦一攻漢陽一攻武昌水陸互應使賊腹背受敵蘇布通阿馬龍等若能渡江繞往北面堵勦更可得力金口地方控扼上游爲糧餉赴營要道尤須妥爲布置勿令梗阻至所稱添設驛站收集潰兵各節均著照所奏辦理潮勇兇悍性成前

此遣散既不得法此時必應善爲駕馭萬勿聽其一面之詞倚爲心腹軍情變幻不常該大臣惟須統籌全局斷不可令賊匪紛竄鄰境再誤事機省城文武據奏巡撫藩臬道員及署提督總兵均已殉節尙未敘明情形著再詳細確查並此外各員及漢陽黃州武昌文武下落一併查明據實具奏此次搶入賊營陣亡之署守備薩國亮著加恩照都司例賜卹

上又命軍機大臣傳諭張亮基潘鐸曰本日向榮馳奏
勦賊情形據稱江面過寬賊船過多非多撥礮船不
能攔江截擊經該大臣行調長沙常德官兵配駕礮
船駛下金口會擊乃徐廣縉仍以留防爲詞轉調較
遠之衡永撤回北省官兵似此不知緩急無怪坐失
事機自蹈重罪張亮基現署督篆統轄兩省豈可稍
分畛域雖湖南防守及勦辦土匪亦須兵力而本省

存兵及紳士團練儘可藉以自固軍情緊急豈身膺
疆寄者竟漫無權衡耶向榮現已飭張國樑選善駕
船燃礮之捷勇二百名委頭目管帶需礮船甚急其
否取長沙一帶船隻卽著張亮基潘鐸趕卽封雇三
四百號多安大礮委員星夜駛往並節次諭令飭音
德布韓世禧鄧紹良多雇船隻招募水摸同盧應翔
船隻一併迅速開行駛至金口聽該大臣調撥現在

三路會勦琦善已擬由信陽前進陸建瀛計已馳抵
九江當此契緊之際若上游官兵礮船稍有遲誤卽
江岸兩路夾擊亦難得手必致賊船乘虛順流東下
毫無牽制下游之兩江水師獨當其衝何以抵禦年
來粵楚軍營惡習直以縱賊出境爲了事以留兵自
衛爲得計張亮基目睹覆轍經朕疊次誥諫諒不至
稍存意見也

同日

上諭內閣曰翁同書學政任滿交卸後著卽馳赴琦善軍營聽候差委

初八日癸丑

山東巡撫李德奏言東省形勢東面

環海西南濱河南路之兗沂兩府壞聯江省淮徐地在黃河以北平疇曠野無險可扼西南之曹州府屬曹單兩縣與豫省接壤中隔黃河是

據河扼守實爲天險兗曹等屬界連徐州素爲
捻幅兇匪出沒之區而曹屬民情尤爲浮動奸
宄最易溷跡經臣密飭各屬實力巡防並委候
補道劉慶凱等前往曹單等縣確訪匪徒出入
情形設法搜捕並飭於黃河渡口嚴加盤詰將
沿河上下大小船隻一體編號收聚北岸非有
官票不准私渡以杜匪徒闖入勾結臣現出省

以閱伍爲名親赴兗沂曹等府與江豫兩省接壤之處察看情形何處可以扼守何處可以設伏並於閱伍之時挑選驍勇兵丁以供驅策軍械火藥飭令豫爲製備一面會同曹兗兩鎮臣嚴諭文武各員彈壓地方搜捕土匪如交界之處必須添兵防守卽於兗曹兩鎮就近派調惟遇賊北竄必須扼河嚴防使上下游無船可掠

又無本境匪徒勾引庶不至擾及北地奏入
上命軍機大臣傳諭李德曰李德現以閱伍爲名親赴
兗沂曹等府察看險阻要隘挑選驍勇兵丁製備軍
火嚴飭地方文武搜查土匪一切布置均合機宜著
卽照所奏辦理該撫周歷各郡體察情形仍將籌畫
事宜詳細具奏並通飭各屬一體彈壓本境土匪盤
查外來奸宄毋任乘機竊發致有疏虞

上又命軍機大臣傳諭陸建瀛楊文定楊以增陸應穀
福濟曰李愬奏請嚴防黃河渡口不但遏賊北竄之
路並可密查奸匪惟必須江南河南等省一律設防
稽察始可周密著陸建瀛楊文定楊以增陸應穀福
濟分飭所屬廳營州縣並遴派委員各於黃河渡口
要隘編列船號實力盤查儻有奸細溷跡卽行擊訊
嚴辦設遇緊急卽先將渡船收至北岸分派重兵防

堵賊匪自不能搶船北渡儻派委非人防守不密甚至土匪勾串縱賊渡河朕惟該督撫等是問

李德又奏言查登州新造師船十隻寄存浙洋七隻已於上年十一月間經臣飭令守備黃富興駕赴粵東趕修務於今春駛回巡防現在東洋師船無幾黃富興又已赴粵若俟該守備趕回夫免緩不濟急臣思登屬水師額設兵丁一

千三百二十五名本境防守亦屬緊要其守備內尙不乏差遣之員卽船不敷用亦可雇募商賈臣遵卽飛咨登州鎮臣武迎吉速挑驍勇兵丁四百名配齊船隻軍械火器派員管帶揚帆南下再開上海一帶向有廣艇及水勇可雇其縛捕機宜與運用火器較之水師兵丁尤爲便捷似應就近招徠以資守禦奏入

上諭曰汝自到山東以來緩急籌維皆屬允當可見汝
平時認真朕心甚慰

同日河南巡撫陸應穀奏言探聞賊在武昌過
年後卽分三路東下水陸並進直犯安慶江甯
二處並欲截瓜州水口糧船招集豐北飢民現
賊約四五萬能打仗者萬餘有煤米船數千號
留爲江南之用賊乘坐滿江紅船銀錢盡在大

船煤米皆在小船探聞湖北賊匪情形如此至
南陽防堵臣當咨商琦善會同妥辦現飭西安
副都統常春卽將駐防兵一千名星夜馳赴荆
州以備派撥臣查南陽現尙安靜擬暫行回省
居中調度一俟探有賊匪確信再行相機堵勦
至南陽所屬鄧州淅川內鄉地居襄陽上游賊
匪勢難猝至惟唐縣之蒼臺鎮水路直通漢口

桐柏之出山店距漢陽四百餘里勢頗偏近所
恃唐河水淺大船不能駛入出山店一帶山徑
崎嶇扼要而守一可當十賊亦不敢冒險前進
唐縣民較富庶團練已數千人聲威甚壯似可
無虞桐柏則捻匪素多居民時相驚恐臣已派
守備石鳴珂帶兵二百名協同該署縣潘澍霖
合力擒拏盡法懲治奏入

上命軍機大臣傳諭陸應穀曰據奏南陽現尙安靜擬
暫回省垣俟探有賊蹤再行相機堵勦著卽將省垣
應辦各事宜趕緊料理仍遵前旨馳赴南陽督飭帶
兵文武員弁嚴密防守勿稍疏懈

上又命軍機大臣傳諭陸建瀛楊文定蔣文慶張芾曰
自賊踞武昌以來疊諭陸建瀛督帶大兵溯流迎勦
該大臣此時是否已抵九江水路要隘如何布置尙

未奏報朕心甚爲焦急逆匪蓄謀已久若一旦順流東下九江首當其衝該大臣馳抵該處務須與張芾妥速籌備以防爲勦並知照向榮所調湖南上游敵船由金口駛下與江省水師會合夾擊其陸路各要隘亦須督飭帶兵各鎮將等確探賊蹤迎截兜勦現
在向榮派郭仁布帶領閩兵前往應援陳金綬亦自河南帶兵從安徽一路繞出賊前若水陸聲勢聯絡

賊匪定難飛越皖省地方多與楚境毗連賊氛迫近
情形喫緊江甯雖處下游一水直達該撫等亟須嚴
密堵截擇要設防尤以固人心戢內奸爲要小孤山
爲皖省險隘東西梁山等處亦金陵鎖鑰分兵扼守
均屬緊要毋得各存畛域致誤事機楊文定現駐江
甯其江蘇省城事宜著聯英倪良燿就近商辦李愬
奏稱上海一帶向有廣艇及水勇可雇其運用火器

尤爲便捷著楊文定卽飭上海道吳健彰體察情形
如可得力卽著迅速籌辦鎮江瓜州爲南北水路咽
喉斷不可稍有阻隔總之軍務情形變幻靡定全在
該大臣等相機設法以備不虞賊匪竄擾粵楚吾民
被害已甚儻復任其闖入江境肆行滋擾朕惟該大
臣等是問

同日

上諭內閣曰本月上辛

祈穀大祀朕詣

壇齋宿虔申默禱惟願吾民同登衽席永戢干戈念自逆匪滋擾以來由廣西而湖南由湖南而湖北所過城池多被蹂躪現復圍陷武昌省城數萬生靈慘遭荼毒卽未被賊地方亦復聞警遠避備極流離顛沛之苦總由地方官吏平日旣不先事豫防臨時又復

張皇失措甚至望風先遁以致居民失所不得不轉徙他方以全性命朕爲天下生民主不能察吏安民致令盜賊肆行閭閻驚擾輿言及此寢饋難安因思嘉慶年間川楚教匪蔓延數載嗣行堅壁清野之法令民團練保衛旋就蕩平卽今廣西湖南地方多有團勇保護鄉里賊不敢逼且有殺賊立功者况各處鄉村良民多而莠民少若得公正紳耆董理其事自

不致別滋流弊卽地方間有土匪一經約束亦將去
邪歸正共保鄉閭惟在良有司素得民心必可收衆
志成城之效著各該督撫分飭所屬各就地方情形
妥籌辦理並出示剴切曉諭或築寨浚濠聯村爲堡
或嚴守險隘密拏奸宄無事則各安生業有事則互
衛身家一切經費均歸紳耆掌管不假吏胥之手所
有團練壯丁亦不得遠行徵調各團中如有捐貲倡

助或殺賊自效者地方官卽申詳大吏據實奏聞朕必立加獎敘如廣西湖南各鄉團出力者無不渥沛恩施凡土著良民各有產業與其蒼黃遷徙拋棄田廬轉不免土匪乘機搶掠何如堅守鄉里以子弟衛父兄以家資保族黨乎至於賊匪夥黨亦豈盡屬兇頑甘心從逆多因被賊裹脅供其役使苟延喘息末由自新現在著名逆匪如蕭潮潰等均已先後殲斃

章政亦伏冥誅惟一二逆首尙稽顯戮賊匪惡貫滿盈神人共憤光天化日之下豈容魑魅久肆兇殘朕奉行

天討軫念窮黎不惜數千萬帑金救民水火現復欽派大臣調集各路精兵合力會勦何難盡埽妖氛不留餘孽惟念此被脅之民不從則先死於賊從之則又死於兵蚩愚何知自擢昭阱古人有云殲厥渠魁脅

從罔治朕仰體

上天好生之仁何忍概行誅戮如有被賊裹脅自拔來歸者不妨貸其一死有能縛獻首逆或爲內應殺賊立功或戮取長髮賊頭目首級來獻者不但赦其前罪更當加以重賞其各深思猛省毋貽後悔我朝列聖相承深仁厚澤治於黎庶朕以薄德紹承大統三載以來勤求民瘼惕厲時深雖因各省水旱偏災並

南河決口蠲緩錢糧截漕賑濟粵楚被兵處所亦已分別查辦蠲緩加恩而民困未能盡蘇小惠恐難偏及每念生民塗炭撫育無方卽再三引咎自責亦屬虛文惟有恐懼修省叩顙

昊蒼宥予之辜拯我窮黎中外文武大臣及地方官吏亦當激發天良爲民除害各省紳民人等自必同仇敵愾速殄賊氛從此永慶綏豐仰承

天佑朕與天下臣民同深寅感茲值

大祀禮成是用敷布朕懷重申謳告著該部及各直省
大吏刊刻牘黃宣示中外咸使聞知

臣等謹案粵匪以跳梁小醜盜弄潢池由粵
省竊擾楚疆籌餉徵兵軍書旁午我
文宗顯皇帝宸猷廣遠念慮周詳運
聖智以照臨擴

仁恩於轉轂固已

堯天廣被

湯絅宏開猶復

宣罪已之綸音陳願

天之誠悃所以闔闔感化矛戟偕修迨同治年間疊克

堅城元兇授首大江南北一律肅清仰瞻

武烈之昭垂悉本

文謨之廣運從此十洲澄鏡六幕清塵孰不歌詠
昇平共優游於

光天化日之下也哉